

Da i to sogni à i mei

Hè un fiore chì ci hè natu
U lasceremu ingrandà
Sin'à i culori cari
Di a so più bella età
Hè un arburu chì sbuccia
Lascemu lu spampanà
Sin'à ch'ellu porti frutta
Sin'à lu so maturà

**Da i to sogni à i mei, hè un sole chì va
Tra i toi è i mei, u feremu pisà**

Da i to sogni à i mei, hè un sole chì va
Tra i toi è i mei, u feremu pisà

Hè un acellu chì vola
U lasceremu vulà
Sin'à u celu turchinu
D'un paese da sperà
Hè un veranu chì vene
Lascemu lu avvicinà
Cù le so tempere belle
E a vita à rinnuvà

**Da i to sogni à i mei, hè un sole chì va
Tra i toi è i mei, u feremu pisà**

Da i to sogni à i mei, hè un sole chì va
Tra i toi è i mei, u feremu pisà

Hè una voce chì canta
Cù quill'altre à ricuccà
E po trè si so liate
Da l'armunia à truvà
Hè una luce chì splende
Lascemu la splendurà

Da li so monti è le piaghje
Sopr' à un mare è libertà

**Da i to sogni à i mei, hè un sole chì va
Tra i toi è i mei, u feremu pisà**

Da i to sogni à i mei, hè un sole chì va
Tra i toi è i mei, u feremu pisà

**Da i to sogni à i mei, hè un sole chì va
Tra i toi è i mei, u feremu pisà**

Da i to sogni à i mei, hè un sole chì va
Tra i toi è i mei... U feremu pisà

G. Fusina

J.L. Massey – F.Santucci